

dr. Leður slf.
Krókhálsi 4
110 Reykjavík

Reykjavík, 21. febrúar 2020
UST201904-061/Í.S.B.
07.05.02

Niðurstöður eftirlits með flokkun, merkingum, umbúðum, öryggisblöðum og skráningu hættulegra efnablandna sem framléiddar eru hér á landi.

Þann 7. október 2019 fór Umhverfisstofnun í eftirlit til dr. Leðurs slf., Krókhálsi 4, með efnavörum framléiddum hér á landi, til að athuga hvort þær uppfylli kröfur efnalaga nr. 61/2013.

Skoðaðar voru vörur með hliðsjón af ákvæðum reglugerðar nr. 415/2014 um flokkun, merkingu og umbúðir efna og efnablandna (CLP), reglugerðar nr. 888/2015 um skráningu, mat, leyfisveitingu og takmarkanir að því er varðar efni (REACH) og reglugerðar nr. 300/2014 um þvotta- og hreinsiefni ef vörurnar féllu undir þá reglugerð.

Eftirfarandi vörur voru í úrtaki eftirlitsins:

Vara	Strikamerki
dr. Leður sápa 500 ml	Ekki til staðar
dr. Leður næring 300 ml	Ekki til staðar

Eftirlit leiddi í ljós að hvorug varan uppfyllir að fullu skilyrði efnalaga nr. 61/2013. Önnur varan uppfyllir ekki kröfur reglugerðar 300/2014 um þvotta- og hreinsiefni sem innleiðir reglugerð (EB) nr. 648/2004 sama heitis. Hin varan uppfyllir ekki kröfur reglugerðar nr. 888/2015 um skráningu, mat, leyfisveitingu og takmarkanir að því er varðar efni (REACH) sem innleiðir reglugerð (EB) nr. 1907/2006 sama efnis.

Um kröfur til merkinga, umbúða, öryggisblaða og annars sem féll undir umfang eftirlitsins og þau frávik frá tédum kröfum sem eftirlitið leiddi í ljós vísast til meðfylgjandi eftirlitsskýrslu.

Umhverfisstofnun veitir dr. Leðri slf. frest til 13. mars 2020 til að senda stofnuninni eftirfarandi varðandi vörurnar:

- Uppfærðan merkimiða fyrir vöruna *dr. Leður sápa* þar sem bætt er við upplýsingum um fullt heimilisfang og símanúmer ábyrgðaraðila markaðssetningar vörunnar, innihaldsefni og veffang þar sem hægt er að nálgast gagnablað yfir innihaldsefni, í samræmi reglugerð nr. 300/2014 um þvotta- og hreinsiefni sem innleiðir reglugerð (EB) nr. 648/2004 sama heitis.
- Öryggisblöð fyrir vöruna *dr. Leður næring* uppfærð þannig að þau standist kröfur reglugerðar nr. 888/2015 sem innleiðir reglugerð (EB) nr. 1907/2006.

Úrbætur skulu sendar Umhverfisstofnun merktar málnúmerinu UST201904-061. Rafræn skjöl sendist á ust@ust.is.

Umhverfisstofnun veitir dr. Leðri slf. hér með frest til 13. mars nk. til þess að koma sjónarmiðum sínum á framfæri, sbr. 13. gr. stjórnsýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar 28. febrúar nk. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar með rökstuðningi fyrir 28. febrúar nk.

Umhverfisstofnun vekur athygli á því að þótt aðeins séu gerðar kröfur varðandi þessar tilteknu vörur gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.


Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 30 gr. gjaldskrárinnar. Komi ekki til frekari eftirfylgni eða beitingar þvingunarúrræða í þessu máli verður ekkert gjald innheimt.


Upplýsingar um flokkun, merkingu og umbúðir efna og efnablandna á heimasíðu Umhverfisstofnunar¹. Kröfur um form og innihald öryggisblaða er að finna í viðauka við reglugerð (ESB) 2015/830².

Fyrirtækinu er velkomid að leita til sérfræðinga stofnunarinnar, Einars Oddssonar, til að fá nánari upplýsingar um flokkun, merkingar og umbúðir og Ísaks Sigurjóns Bragasonar um skyldur varðandi öryggisblöð og skráningar, í síma 591-2000 eða í gegnum netföngin ainar.oddsson@ust.is og isak.bragason@ust.is.

Virðingarfyllst,



Einar Oddsson
Sérfræðingur



Ísak Sigurjón Bragason
Sérfræðingur

Meðfylgjandi: Eftirlitsskýrsla

¹ <https://ust.is/atvinnulif/efni/flokkun-og-merking/>

² <https://www.efta.int/sites/default/files/documents/legal-texts/eea/other-legal-documents/translated-acts/icelandic/i32015R0830.pdf>